

**OQAASERTANUT NALUNAARSUUTIT**

Immikkoortoq pingaarneq 10-mut.

Illua'tungerisat siulittaasuannut ilassinnissutissatut aningaasaliunneqarsimasut naalakkersuinikkut suleqatigiinnerup avataatigut inatsisartuni partiit annersaata siulittaasuannut atugassanngortinneqassapput.

Immikkoortoq pingaarneq 20-mut.

Aningaasat immikkoortitat akiliutigineqanngitsulli ukiunut tullittunut atugassatut immikkortinneqarsinnaapput.

Immikkoortoq pingaarneq 21-mut.

Aningaasat immikkoortitat akiliutigineqanngitsulli ukiunut tullittunut atugassatut immikkoortinneqarsinnaapput.

Immikkoortoq pingaarnernut 22, 23, 24 aamma 25-mut.

Ingerlatsinermut aningaasaliissutinut sanilliullugu naatsorsuutigut pitsanngoriaatit suliffeqarfinni immikkoortinneqassapput Aningaasaqarnermullu Ataatsimiititaliamut saqqummiutereernerisigut aningaasaliissutissatut siunertanut atorineqarsinnaallutik.

Immikkoortoq pingaarneq 22-mut.

Naalakkersuisut piginnaatinneqassapput GFI-p nunap karsianit 3 mio. koruuninik noqeeritissinnaanissaanut Ervnga-ta ingerlatsinermut aningaasanik pisariaqartitsineranut atugassanik.

Immikkoortoq pingaarneq 23-mut.

PROEKS piginnaatinneqassaaq tuniniaanermi suleqatigisartakkanut qularnaveeqqusikkanik ingerlatsinermut akiligassarsititsinissaminut taamatut aningaasaliinissaq niuertutut tunngaveqartinneqar-

sinnaappat aammalu aningaasat PROEKS-ip ingerlatsinermut aningaa-saliissutaasa nalinginnaasut iluanni aningaasaliissutigineqarsin-naappata. Taamatut aningaasallisogartillugu Aningaasaqarnermut Pisortaqarfik aamma Inuutissarsiornermut Pisortaqarfik taamatut akiligassaqalersitsinerup kingorna ilisimatinneqartassapput.

Immikkoortoq pingaarneq 24-mut.

Pilersuinermut tunngatillugu Naalakkersuisut pisinnaatinneqassap-put avataaniit sunniutissat kingunerisassaannik uuliamit tunisas-siat akiisa allannguuteqartinnissaasa akuerinissaannut.

Immikkoortoq pingaarneq 27-mut.

Nr. 1.

Inuussutissarsiutitaarnissamut tapiisarnermi ataatsimiititalia-mit qularnaveeqqusigassanit inaarlugit nalunaarutigineqartunit pisussaaffiit ataatsimut katillugit 1988-ip naanerani 750,2 mio. kr.-nik naleqarput.

Qularnaveeqqusiussassanut nutaanut 1989-imi 316,9 mio. kr. aamma 1990-imi 50 mio. kr. Inuussutissarsiutitaarnissamut tapiisarnermi Ataatsimiititaliamit killiliunneqarput.

Taarsigassarsiat atukkiussallu qularnaveeqqusikkat pissusissamis-sut akilersorneqangitsut Inuussutissarsiutitaarnissamut tapii-sarnermi Ataatsimiititaliap akilersinnaavai inuutissarsiutitaar-nissamut tapiisarneq imaluunniit inuutissarsiutitaarnissamut ta-piisarnermi malittarisassat siornatigut atuuttut pillugit Inatsi-sartut peqqussutaat nr. 5 novemberip 13-anni 1986-imeersoq malil-lugu qularnaveeqqusiussimasani qularnaveeqqusikkaniluunniit pis-sutsit naapertorlugit.

Akiliuteqarnissamik pisariaqartitsinerup tamakkiisup konto 92.27-mi akiliutissatut missingersukkat 66 mio. kr. qaangersimassappa-git Naalakkersuisut pisinnaatinneqassapput aningaasat taakku sa-niatigut akiliuteqarnissaminnut.

Nr. 2

Aningaasat immikkoortitat akiliutigineqanngitsulli ukiunut tullittunut atugassatut immikkortinneqarsinnaapput.

Immikkoortoq pingaarneq 27-mut aamma konto pingaarneq 82.04-mut.

Naalakkersuisut pisinnaatinneqarput suliani ataasiakkaani tamani sukumiinerusumik misissuineqareeraangat siunissami raajartassanik qularnaveeqqusiisarnissamut piginneqatigiiffinnut raajarniartartunut aalisariutinik atorluaanerunissaq anguniarlugu kattunneqarsimasunut taamaasillunilu angallammik ataatsimik atorunnaartitsisimasunut.

Qularnaveeqqusiissutit pineqartut aningaasartaasa annerpaaffigisavaat aalisariummut atorunnaarsimasumut taassumunnga raajartassarititaasimagaluit ukiut arlallit ingerlanerini tunisinikkut isertitaasartut nalingisa ilaat.

Naalakkersuisut pisinnaatinneqarputtaaq aningaasanut ataatsimii-titaliap isumaqataaneratigut raajarniutinik atorunnaarsitsinermut atatillugu aningaasartuuteqartarnissaminnut. Naalakkersuisut taamatuttaaq pisinnaatinneqarput aningaasanut ataatsimii-titaliap isumaqataaneratigut raajartassanik tuniniaanermi isertitaasunik ukiuni arlalinni pissarsisarnissaat. Piumasaqaataavoq tamanna pissasasoq inuutissarsiornermut ikiorsiisarnermi killissarititaasut iluanni.

Immikkoortoq pingaarneq 28-mut.

Sulisitsisut inuussutissarsiutinigut ilinniartitaanermut akiliutissaat pillugu Inatsisartut inatsisaanni § 4, imm. 1 naapertorlugu ukiumut 1990-imut akiliiffissamut akiliutissap 0,8%-iunissaa aalajangiunneqassaaq.

Immikkoortoq pingaarneq 29-mut.

Kontot pingaarnerit makku pilcrsaarutitut ukiuni arlariinni ingerlanneqartussanut aningaasaliissutaapput:

- 29.26 Immikkut ikiorsiisarfik
- 29.28 Pitsaassutsinik misissuinerit
- 29.29 Piniarneq aalisarnerlu
- 29.30 Tunisassianik ineriartortitsineq
- 29.31 Puisit amii pillugit paasititsiniaaneq
- 29.40 Nunami suliffiit

Aningaasat immikkoortitat akiliutigineqanngitsulli kontoni taak-kunani ukiuni tulluuttuni atugassanngorlugit immikkoortinneqar-sinnaapput.

Konto pingaarneq 29.26-mut.

Naalakkersuisut pisinnaatinneqassapput aningaasaateqarfimmi tunngaviusut allanngortinnissaarnut aningaasaateqarfiup aningaasaa-taanik siunertaanngitsunut atuisoqaqqunagu.

Immikkoortoq pingaarneq 37-mut.

Nr. 1.

Kommunenut standardkontot 06 aamma 39 akornanni nuutsitsinermit agguaanissamut Naalakkersuisut pisinnaatinneqassapput.

Pisinnaatitsinermit tunngavigineqarpoq inissiat attartortittakkat tiguneqartut ingerlanneqarnissaannut tunngatillugu siunertarine-qarmat periaatsit illuutit ingerlanneqarnerannut maannamut atuut-tut attatiinnarneqarnissaat.

Nr. 2.

Namminersornerullutik Oqartussat illuutaanut attartortittakkanut illumut akiliutit naatsorsorneqarnerat:

1.10.1989-imiit akiliut imatut naatsorneqarpoq:

Aningaasaliussat: 2,75% sanatinneqarnerani nalinganiit pilersaarusiorderi, allaffissuutigineri nakkutiginerilu ilanngaatalugit (BS-ip akiinut), minnerpaamilli 159,50 kr./m<sup>2</sup>/ukiumut, BS-ip attartornermi akigititaanut minnerpaamut 5.800 kr.-nut naapertuuttumik.

Ingerlatsinermut tapiliut: 155 kr./m<sup>2</sup>/ukiumut.

1.04.1990-imiit akiliut imatut naatsorneqassaaq:

Aningaasaliussat: 2,75% sananerani nalinganiit, minnerpaamilli 159,50 kr./m<sup>2</sup>/ukiumut, akiliummut minnerpaamut 5.800 kr.-nut naapertuuttumik.

Ingerlatsinermut tapiliut: 155 kr./m<sup>2</sup>/ukiumut.

Ilaqtariinnut ataatsinut inissianut affarleriikkuutaanullu akiliut malittarisassat atuuttut malillugit naatsorneqartassaaq, unali assigiinngissutigalugu ingerlatsinermut tapiliut m<sup>2</sup>-mut 118 kr.-ummat.

Ingerlatsinermut tapiliut allanngortinneqarsimavoq siornatigut aserfallatsaaliinermut tapiliut aamma ilannguttussanngorlugu. Siunissami akiliutissat tassaalissapput aningaasaliussat aammalu ingerlatsinermut tapiliutit.-

Aningaasanut inatsisissamut siunnersuummi tunngavigineqarpoq 1. oktober 1990-imiit akiliuttip minnerpaaffissaata BS-ip akigititaanut 7.000 kr.-nut qaffanneqarnissaa ukiumut m<sup>2</sup>-mut 192,50 kr.-nut naapertuuttoq. Aningaasanut inatsisissamut siunnersuummi siunertarineqanngilaq ingerlatsinermut tapiliuttip 1. oktober 1990-imiit allanngortinneqarnissaa.

Namminersornerullutik Ogartussat inissiaataasa attartortittakkat iluarsartuunneqarnerinut tunngatillugu attartornermut akiliut naatsorsogqinneqassaaq. Piffissami inissianik iluarsartuussinerup aallartinnerani akiliutip minnerpaaffigisimasaanut iluarsartuussinermut aningaasartuutit ilanngunneqassapput, taakkulu sanaartornerup akiatut nutaatut isigineqassallutik. Inissiani amerlasuunik attartorfiusuni iluarsartuussineq immikkoortitaarneqarsi-mappat akiusup naatsorsornera immikkoortitaarneqarsinnaavoq.

Immikkut ittumik attartornermi 1.10.1989 aallarnerfigalugu imatut attartornermut akiliut naatsorsorneqartassaaq:

Allaffeqarnermut inuutissarsiutitigullu siunertanut:

Sanaartornermut aningaasartuutitut 9%-imik akiliuteqarneq, taa-maattorli minnerpaamik akiliutissamut 319,- koruuniusumut anni-kinnerpaamik m<sup>2</sup>/ukiumut 5.800,- koruunit.

Piorsarsimassutsikkut imaluunniit isumaginninnermut siunertanut: Sanaartornermut aningaasartuutitut 5,5%-imik akiliuteqarneq, an-nikinnerpaamilli m<sup>2</sup>-mut 319,- koruuninik.

Ineqartut peqatigiiffii akiliuteqartassanngillat.

Inissiarsuarni m<sup>2</sup>-mut 145,- koruuninik ingerlatsinermut aningaa-sartuutitut akiliisoqartarpoq illunilu ataasiakkaani ingerlatsi-nermut aningaasartuutitut akiliisoqartarani, tassa attartortup nammineerluni aningaasartuutit taakkua isumagisussaammagit.

Inissiarsuarni attartortup inigisap iluani aserfalatsaaliuineq aningaasartuuteqarfigisussaavaa. Illuni ataasiakkaani affarle-riinniluunniit illup iluata silataatalu aserfallatsaaliorneqarne-ri attartortup nammineerluni aningaasartuuteqarfigisussaavai.

1.4.1990 aallarnerfigalugu ineqarnermut akiliutissap naatsorsor-neqarneranut tunngatillugu allaffitsigoortumik aningaasartuutit sananermut aningaasartuutitut ilanngunneqartalernissaat naatsor-suutigineqarpoq, tamannalu aamma immikkut ittumik attartornermut atuutsissalluni.

1-10-1990 aallarnerfigalugu attartornermut akiliutip minnerpaaffissaata m<sup>2</sup>-mut 7.000,- koruuninut qaffanneqarnissaa aningaasanut inatsisissatut siunnersuutigineqassasoq naatsorsuutigineqarpoq, tamannalu aamma immikkut ittumik attartornermut atuutsissalluni.

Meeqqanut 18 inorlugit ukiulinnut innuttat nalunaarsorsimaffianni najukkaminik nalunaarsorneqarsimasunut illumut akiliummut ilanngaataasussanut 6 tikillugit angerlarsimaffiminni najugalinnut Namminersornerullutik Oqartussat meeqqamut ataatsimut 10%-imik tapiissuteqartarput.

Immikkoortog pingaarneq 49-mut.

Kontomi tassani aammattaaq naatsorsuutigineqarpoq imigassap atornerlugaanerata akiorniarnegarneranut siunnersuisoqatigiit sulinerrannut 1 mio. kr.-nik aningaasartuuteqartoqarnissaa.

Immikkoortog pingarneq 69-imut.

Nr. 1.

Naalakkersuisut pisinnaatinnaqassapput Grønlandsfly A/S-imi akti at tigunissaannut qallunaat naalagaafiannik isumaqatiginninniarnerit nanginnissaannut.

Nr. 2.

Naalakkersuisut pisinnaatinneqassapput sulisunik atuinikkut aamalu kontoni sulinut attuummassuteqartuni sipaaruteqarnissaminut.

Nr. 3.

Naalakkersuisut pisinnaatinneqassapput atorfillit najugaqavissut najugaqavissuunngitsullu, pingaartumik tjenestemandit akornanni assigiimik akissaateqalernissamut immikkut ittumik aningaasartuu tissat matussuserneqarnissaarmut annerpaamik 7,2 mio. kr.-nik aningaasartuuteqarnissaminut.

Immikkoortut pingaarnernut 70-79-inut

Nr. 1.

Naalakkersuisut pisinnaatinneqassapput illuutini, pigisani nalinginnaasuni il.il. tillinniarfigitinnikkut, ikuallannikkut allatulluunniit ajoqusernikkut pissuteqartunik aningaasartuuteqarnis saminnut. Tassani ilanngunneqaanngillat kilisaatit aammalu Kallaallit Niuerfiata umiarsuaatai.

Nr. 2.

Atuarfiit illutaani ajoqusernernut aserorterinerni ajoqusernerit pinnagit sillimmasiisussaataitaaneq aammalu kommunit ajoqusernermut ataatsimut namminneq akiliisussaataitanerat 85.000 kr.-usoq maannamut Namminersornerullutik Oqartussanit tiguneqarsimapput.

Nr. 3.

Naalakkersuisut pisinnaatinneqassapput sulilluni ajutoornermi sillimmasiinissamut inatsimmi malittarisassat malillugit taarsiissuteqarnissaminnut atuartunut aammalu ilitserorneqartussasunut allanut sulianik sungiusagaqarnermut aqqissuusanullu allanut inuutissarsiutit pillugit paasissutissinneqarnissamik anner-tuutigut siunertalinnut tunngatillugu ajoqusernerni, kiisalu taarsiissuteqarnissaminnut ajoqusernernut ilitserorneqartussaa-titaasunit sulianik sungiusagaqarnermik nalaani imaluunniit taamaaqataanut tunngatillugu ajoqusigaanut, aammalu taarsiissuteqar-nissamut malittarisassat nallnginnaasut malillugit akisussaaffi-gitinnegarsinnaasunut.

Nr. 4.

Kommuneni iliuutsit annertussusiisa nalimmassarnissaat siunerta-ralugu Aningaasaqarnermut Ataatsimiititaliap tapersersuineratigut Naalakkersuisut pisinnaatinneqassapput sanaartornermut aningaasa-liissutinit kaanngartinneqartut sanaartornermut kontoni allani



pilersaarutigineqartut nukingiunneqarnissaannut atortussanngortitsinissaminnut.

Nr. 5.

Nammineq sillimmasiisussaataitanermut taarsiullugu sillimmasiisarfinni namminersortuni sillimmasiinerni akiliutissanut aammalu nammineq akisussaaffigisanut akiliutissanut aningaasartuuteqarnissaminnut Naalakkersuisut pisinnaatinneqassapput.

Nr. 6

Naalakkersuisut piginnaatinneqarput immikkut illuinnartunik pisutissaqartillugu Namminersornerullutik Oqartussat 60 - 40-mik aaqquissuussineq malillugu inissialiortiternermi aningaasaleeqqataassutissaasa tamakkiisumik Namminersornerullutik Oqartussat aningaasalersugaannik inissialiortitsinermut aningaasaliissutigineqarnissaannut akuersinissaminnut.

Immikkoortoq pingaarneq 80-imut.

Nr. 1.

Nuna tamakkerlugu akileraarusiuttakkamut procentiliussaq, takuuk Inatsisartut inatsisaat nr. 5 majip 19-anni 1979-imeersoq, § 27, imm. 2 naapertorlugu 1990-imut 10-mut aalajangiunneqassaaq.

Nr. 2.

Nuna tamakkerlugu immikkut akileraarummut procentiliussaq, takuuk Inatsisartut inatsissat nr. 5 majip 19-anni 1979-imeersoq, § 29, imm. 2 naapertorlugu 1990-imut 23-mut aalajangiunneqassaaq.

Nr. 3.

Kulbrintisiornermut tunngatillugu isertitat akileraaruserneqarnissaannut procentiliussaq 1990-imut 25-mut aalajangiunneqassaaq

takuuk Kalaallit Nunaanni kulbrintisiornermut tunngatillugu isertitat akileraaruserneqarnissaat pillugu Inatsisartut inatsisaat nr. 3 junip 7-anni 1985-imeersumi § 5, imm. 1 aamma 21.

Immikkoortoq pingaarneq 82-imut.

Nr. 1.

Inuutissarsiutigalugu aalisarneq, piniarneq aallaaniarnerlu pillugit Inatsisartut inatsisaani nr. 11-mi 21. november 1984-imeersumi § 10, imm. 3 naapertorlugu kinguppannut akileraartussaaneq ilanngunneqassaaq.

Kinguppattanik avataani uutsiterisuni (angallatini pisat 60%-ii sinnerlugit angallammi tunisassiorfiusuni) tunisassiarineqartunut aammalu angallatini allani kinguppannik tunisassiarineqartunut akileraarutit assigiinngitsut aalajangersorneqassapput.

Kinguppattanut Kalaallit Nunaanni nunami tunisassiorfinni tunisassiassatut tunineqanngitsunut akileraarutit avataani uutsiterisunut Kalaallit Nunaata kitaata avannaani kinguppattanut kg-mut 2 kr.-nut, Kalaallit Nunaata kitaani kinguppattanut kg-mut 3,75 kr. aammalu Tunumi kinguppattanut kg-mut 8 kr.-nut aalajangiunneqassapput.

Angallatinut allanut angallammi tunisassiortunut akileraarut siornatigutut kg-mut 2 kr.-nik raajanut Kalaallit Nunaata kitaata avannaani aammalu Kitaani anglammi tunisassiarineqartunut, aammalu raajanut Tunumi angallammi tunisassiarineqartunut kg-mut 4 kr.

Nr. 2.

Naalakkersuisut pisinnaatinneqassapput angallatit ilaannut kalaallit umiarsualiviinut talittartunut usitussutsimut akileraarummik aammalu taleqqanermut akileraarummik akiliisinneqartaler-nissaannik misissuinissaminnut atortuulersitsisinnaanerminnullu.

Nr. 3.

Eqquniaasitsinermi akileraarut pillugu Inatsisartut inatsisaani nr. 7-mi 31. oktober 1987-imeersumi § 1, imm. 1 naapertorlugu 1990-imut akileraarutissaq 15%-imut aalajangiunneqassaaq.

Immikkoortoq pingaarneq 84-imut.

Nr. 1.

Naalackersuisut pisinnaatinneqassapput A-kassep illutaasa SIK-miit tiguneqarsimasut tuninissaanut.

Immikkoortoq pingaarneq 97-imut.

Nr. 1.

Naalackersuisut pisinnaatinneqassapput Kalaallit Nunaanni Namminersornerullutik Oqartussani aammalu Namminersornerullutik Oqartussat suliffeqarfiutaani akiliisinnaanerup nikerarnerinut il.-il. akissanik taarsigassarsinissaminnut.

Taarsigassarsinissamut tunngatillugu Namminersornerullutik Oqartussat nunanit allanit taarsigassarsineranni isumaqatissiissutaasut eqqarsaatigalugit Naalackersuisut pigisanik sallunaveeqqusii sinnaasapput.

Taarsigassarsinissaq pillugu malittarisassanik erseqinnerusunik Naalackersuisut aalajangersaasapput.